



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Historia Missionis Anglicanæ Societatis Iesv**

**More, Henry**

**Avdomari, 1660**

Prima Congregatio PP. in Anglia. n. 3.

**urn:nbn:de:hbz:466:1-38320**

Ego illam discerpam, & occidam; vos omnes decipiam, fatigabo; reddam impatientes; me ulciscar, & similia multa rabido fundebat ore. Quoniam vero dixerat se per omnem quidem vitam debuisse illam insidere at *Ignatium* restrinxisse tempus ad tres & triginta dies, institerunt vt eo ipso die discederet, qui erat à tertio Februarij trigessimus primus: Et quidem ea nocte, dum ministrarentur infirmæ sacri Baptimi ceremoniæ, quibus nondum fuerat initiata, cessauit omnis molestia corporis: circumuolabat tamen per cubiculum, & eadem quâ primum specie se obtulit quiescenti; sequentibus vero duobus diebus cum vi exorcismorum compelleretur importunus hospes si quid intulisset in corpus ei iecere, per omnes fere corporis partes prosiliere acicula curuæ, erines & stramenta varijs nodis implicata & contorta, quæ (præter auditas quædam surdè & occultè mussitantium voces) suspicionem fecere veneficij, quo adiutus malus dæmon illam ad eum vsque diem vexauerat, liberam deinde atque per reliquum vitæ tempus ab omni solutam molestia.

III. Augebatur indies nostrorum numerus, atque anno qui sequitur censebantur Socij sex & triginta supra ducentos. Tria tamen videbantur obstat ne Vice-Prouincia Prouinciæ nomen & decus sortiretur. Difficultas primùm cogendi Patrum cætus, vel eos qui vnoquoque triennio ad Procuratores eligendos indicuntur, vel qui alijs de causis imperari quandoque possunt, siue ad Generalem Præpositum nominandum, siue ad cætera iuxta institutum negotia disponenda. Tum quod nulla essent intra Angliam fundata Collegia, nullæ domus: denique Principum externorum consensus nondum explicatus ad domus cis mare sitas Prouinciæ exteræ inferendas innectendalque. Iste tamen *Blondo* per Comitem de Aniouer agente impetratus est ab Alberto Principe, antequam hic de vita, *Blondus* è Belgio, discederet; fauitque *Isabella Clara Eugenia* ad quam Prouinciarum gubernacula deuenere. *Blondus* in Insulam redux tentauit aggregate Patres. Quamuis enim *Mutius* cum Assistentibus pronuntiarat ius liquidum Vice-Prouinciæ nullum esset mittendi in urbem cum potestate suffragij Procuratoris, multa tamen erant quæ collecti in vnum Patres facilius certiusque conferre, atque ad promouendam communem Societatis Disciplinam definire poterant; Tum etiam quicumque ab omnibus simul iunctis eligeretur (licet ad informandum tantummodo) auctoritatis plusculum habiturus videbatur, quam si à solo Vice-Prouinciali mitteretur. Conuenerunt igitur legitimo quadraginta Patrum numero Londini, vsi benignitate Oratoris Christianissimi Regis. Sunt etenim Oratorum palatia Asylum quoddam ad quod confugere, & in quo à vi tutus quiuis esse possit, id quod ius gentium obtinuit; tum etiam turba confluentium ex omni ordine, & artificio, & gradu ad huiusmodi Principum ædes, in quibus publica priuataque tractantur omni hora negotia, valet ad id quod præcipuum est tegendum, quo scilicet sine fiat is hominum concursus; Iuuant deinde vel tenebræ, vel longæ noctes, & seuerum indictum cunctis silentium; Ita vt

1621.

1622.

Difficultates motæ circa stabi-  
liendam  
Prouinciã

1. Congr-  
gatio Pa-  
trum in  
Anglia.



1622.

nemo nisi ipsâ horâ qua primò conueniendum erat quidquam de loco sciret vbi erat conueniendum; tum verò per fidos hinc inde dispositos nuntios bini vel terni introducebantur, & eodem ferè numero, non turmatim, soluto cætu discedebant; Cumque præcipua & necessaria tres tantum quatuorue dies occupent, si metus sit nè in vulgus emanet diuturnior concursatio, faciliè sine præiudicio Instituti dimittitur conuentus; si nullus sit metus, exiguus in populum sermo, prorogatur; quæ securitas à suspicione fecit, vt alijs annis in conductis illustri alicuius viri aut fæminæ ædibus conuenirent, nullo vel non existimando discrimine. Eo in conuentu electus est *Henricus Silisdonius* qui negotia Prouinciæ Romæ promoueret. Et ne obesset domorum Collegiorumve penuria, Tres Residentiæ certis assignatis redditibus exeunte Nouembri Collegiorum sortitæ sunt priuilegia; & Londini quidem domus Probationis Sancto Patri *Ignatio* dicata est; quæ deinde, vbi Angliæ regnum ad sedis Apostolicæ obedientiam redierit, eo regni loco quem Generalis elegerit locari possit, ibique vel Probationis domus manere vel in Collegium mutari, nullo vnquam tempore è regno Angliæ transferendum; Fundatorum prærogatiuis seu titulis ac suffragijs quæ in Constitutionibus decernuntur, ijs integrè reſeruatis qui fundationem ita auxerint vt ea mereri iudicentur. Quibus fere conditionibus Collegium erectum est in Wallia sub Patrocinio Sancti *Xauerij*, & aliud in tractu Staffordiensi, seu Lancaſtrenſi à Beato *Aloyſio* nuncupatum. Quæ domus (vt nunc sunt tempora) non certis ædificijs, sed Personis, annuâ attributâ pecuniâ constare intelligendæ sunt, quæ à Rectore administrata cedat in vsus eorum qui illi commissi sunt Sociorum; quanquam & alicubi possessiones & domus & agri habeantur obnoxij.

Tres Resi-  
dentiæ in  
Collegia  
commuta-  
tæ.

Ex solem-  
nitate be-  
atificatio-  
nis SS.  
Ignatij &  
Xauerij  
quis fru-  
ctus.

I V. Tractabat hoc tempore Iacobus Rex Angliæ conubium Caroli Principis cum Catholici Regis sorore quæ deinde Ferdinando tertio Imperatori feliciter nupsit. Ea occasione mitius aliquamdiu actum est cum Catholicis, & quadringenti numerati sunt eo anno ab hæresi ad Catholicam traducti. Licuit etiam Beatos *Ignatium* & *Xauerium* in Beatorum album recenter adscriptos solempni apparatu quibusdam in locis non sine musico concentu celebrare; Qua ex ceremonia alteri rei familiaris, alteri spiritualis obuenit utilitas. Illi lis fuerat cum homine hæretico permolesta & diuturna, & in qua varijs deuoratis iniurijs, reque domestica non leuiter accisa nullum explicando negotio exitum reperiebat: Aduocauit suæ causæ seu Patronos, seu Arbitros Sanctos *Ignatium* & *Xauerium*, & quo die ea agebatur celebritas rem illis vnâ cum cæteris domesticis commendauit euentu secundissimo; Etenim eo ipſo vertente die Hæreticus aduersarius longiusculo confecto itinere aduolat, postulat decidi litem; facta est compositio & concordia conditionibus Catholico percommodis.

Alter in grauissimorum scelerum sordibus obsoleuerat, & aberat proximè à malorum ultimo desperatione: sacram Exhomologesim sapius sed sacrilegè